

越縵堂日記

第二十五冊

桃花聖解會日記丁集第二集

光緒

年丙子夏四月壬戌朔晨散霽旋晴有風

潘星齋丈來

王子蒙來

子獻來

高仲瀛駢麟來

仁和姚絳卿孝廉樞來

得子縵書

初二日癸亥晴

閱華亭倪思寬二初齋讀書記思寬原名世球字

存未乾隆時恩貢生見知於學政雷翠峯嘗與戴東原交所著

尚有經籍錄要十二卷文選音義訂正二初齋詩文集此書共十卷

尚有沈既堂業富序其書多攷據經義間及古人詩賦雖未為博

實而實事求是亦漢學之有根柢者

作書致子蒙偕洪氏筠軒

文鈔

富單約羊辛楣高仲瀛秦煥伊彥清子蒙後甫仲彝諸君

也

越漫堂雜著

明晚飲福興居 得謝夢漁書約後日飲 夢庭來 雲門來

仲彝來子縝來偕諸君暢談夜飯後至二鼓時去 是日即結局送

來將月公費銀十九兩六錢又託牧莊轉偕銀三十兩其息三分 得

子裳復夜客去後閱洪筠軒文鈔共四卷皆後據之文將有嘉慶

十一年六月孫氏星衍序

師鈔

詔初吾親詣 上高殿及時應宮祈雨覺生寺等仍分遣諸王

初三日甲子晨啟霽上午薄暝下午霽 得伯寅書贈所刻

叢書兩部即復謝 得致夫書即復 鬚頭 孺初來

是日緋桃襪豔尤絕薄會冒之媚不自勝客去後裒回花下賦

高仲藏讀其詞兩筆其勝肩

清平樂一闋

傍晚詣福興居邀諸君飲夜二更時復偕飲

凌家子鎮招桐子彈琵琶四鼓時歸是日付煠菱酒錢四十千

福王食錢十千更夫七千陳媪五千廚食錢二十九千岑福零帳錢

八千五百順兒二千福興下賞四千紗裙錢六千高氏使二千

郎鈔編修逢潤古授廣東高州

府

知府陝西

漢中府

補知府林士班

鳳陽人

授漢中府知府

原任高州府鉅中故漢中府劉發告

初四日巳丑晴下午有風

夢漁再作片催飲宴賓齋上午赴之

歸

得星齋丈書

得錢筵仙書

下午詣星丈紱丈久談詣陶

然亭赴羊辛楣之約到者十八人子鎮雲門煠伊致甫子蒙仲彝彥

清皆在杭人特多跳叫不可堪酒甫行即命駕而歸

程同年

也

錢繹圭雜著

咸煒來孫鏡江來俱不值 倚晚清陰微風坐花下飲茶牧吟子

鎮雲門來遊邀之並坐夜飯後去 謝惺齋約明日夜飲辭之

得星丈書 是日得七律一首五古一首

夏初偕子鎮雲門王子棠王致甫工部 秀成 楊定惠舍人晨辛

敦叔刑部復禮小集陶然亭

漢家城闕對郊壇佳氣蔥蘢隱几看平野暖風翻綠葦遠
山晴翠落朱闌時清想見官曹樂亭為康熙間江都藻督
黑室廠時所構有詩刻石共去
常知聚會難猶是江亭觴詠地夕陽芳草滿長安

歸自城南晚坐花下子鎮雲門見過欣然有作

出門意不通巾車命行還我居一畝宮竹樹殊清閑襟花殿

餘春新葉媚晴鮮。脫帽坐籬下。呼僮候茶烟。開徑望三仲日。
夕開款關。山居幾兩度。點破蒼苔。斑素心良不易。清談有餘。
懽。空庭生暝色。碧雲依遠天。徙倚晚柯下。惜此須臾間。

清平樂

鮑桃晚芳穠豔殆絕以此寫之

畫簾低照一樹。緋桃笑澹豔。明妝臨薄曉。占得春陰多少。
臨風獨倚朱闌。晚來猶怯微寒。第一內家鬢影。簪花儘與人。
看。

初五日雨窮晴

紱丈來

作片致孫鏡江得復

閱經義

述聞

比日頗疲乏連夕疾動

付藥校雜花錢六千

初六日丁卯晨至午晴午後晴霽相間傍晚有雷風小雨是日

鬱熱特甚 午詣長椿寺會同年合請劉鶴山師孫鏡江王其

事人率醵錢十六千李若農師之弟孝廉文同亦至晡時做茗

拜鐘仲蘇季士周謝惺齋而歸付車錢十千 得孫仲容

書屬書扇 楊蓉袖舍人晨來同邑顧孝廉家相來楊翰

臣孝廉來均不值 得子鎮書

初七日戊辰曜 周鄂友孝廉來 收莊來 寫單約鮑敦夫

江敬所潘孺初韓達軒諸君後日小飲 得致夫書約明日劇

飲作片辭之 得子鎮書并近詞及雲門近詞一闕存即復

盛伯希來不晤 何夫約後日晚飯 夜閱洪筠軒文鈔其文

共四十首已刻入詒經精舍文集者三之一又論說文與叔子百里書

一省有目無文其僕淮陽置郡攷序沱河攷與宋德輝書條錄

夏小正十七事

德輝名威歷任和州駐大博之子官教諭

與李子潤功書論漢之亭制補日

和錄所未備攷據皆極精覈

邱鈔

上諭前據岑毓英奏雲南總兵等缺未便久懸應否開缺另補請

旨辦理當降旨令兵部議奏茲據該部查明議覆雲南督標右

營游擊王東發久未在滇亦未請假實屬擅離汛守著照部議即

行革職總兵李家福于同治十二年因病離任回湖南原籍就醫是

否病尚未痊抑或逗畱何處著王文韶查明據實具奏總兵楊盛宗

前因進京陛見交卸何以率回巧家廳原籍且時閱兩年並未到京

究在何處逗留副將吳奇忠等四員均於同治十二年請假修墓就醫
久未回滇著劉長佑查明各情形分晰據實具奏昭通鎮總兵李家
福騰越鎮總兵楊盛宗督標中軍副將吳奇忠東川營參將王維金鎮
雄營參將李文才督標左營游擊金仕耀均著先行開缺至該管總
督暨提鎮各官於壇離汛守者並不隨時奏參其請假各員既擅行
給假准其離任於前又不照例開缺揭參於後殊屬姑容著劉長佑
查取該管兼轄統轄提鎮及原准給假之總督各職名請旨交該部
分別議處

以張從龍為雲南騰越鎮總兵鄧有德為昭通鎮總兵

刑部左侍郎黃鉉奏病久未痊懇請開缺調理

許之

黃鉉字若愚休甯人咸豐
六年五月進士官至刑部
左侍郎

初八日己巳晴霽發隄備晚霽合大風晚齋開霽 補撰前日

極樂寺看海棠記案附再冊日記之末 聞袁小年調刑左殷譜

經調戶左徐陰軒調吏右伯寅補禮右鵠山師當可得閑學或

大理矣 張硃氏來 胡光甫約明晚飲福興居辭之 作書

致牧莊作片致牙尊俱約後日飲廣和居 強甫再速觀劇作

片辭之 湖南同年毛編修松年以今日受吊送奠分四十 此是字季卿長沙人

卒未庶常去年七月考以病不赴今年三月十八日僅和服補試奉三無私賦命量壽黃狂聞者詔附入三等以三月廿日暴卒聞其前百尚驛飲宴賓商也年四十有七亦可異矣

邸鈔 夜有雷雨

以刑部左侍郎袁保恒調補刑部左侍郎以吏部右侍郎殷兆鏞調

補戶部左侍郎兼管三庫事務以禮部右侍郎徐桐調補吏部右

此書是年日記 誠縵生雜著

侍郎以大理寺卿潘祖蔭為禮部右侍郎仍兼署刑部右侍郎

詔浙江布政使盧定敷留京另候簡用以安徽按察使衛榮光

河南新鄉人

子翰林

為浙江布政使以四川成龍潼縣茂兵備道謝膺禧

順天大興人

為安

徽按察使以前甘肅按察使楊能格

漢軍正紅旗人兩中翰林

為成龍潼縣茂道

護理四川總督布政使文格奏參署樂志縣知縣王志崇作事荒謬習

氣太深侵虧正款銀七千二百餘兩署溫江縣知縣李光廷狡詐無行聲名

惡劣侵虧正款銀六千六百餘兩均請革職永不叙用勒限兩月嚴追完

解署梁山縣知縣試用同知沈德浩行止卑污聽斷乖謬署金堂縣知

縣試用通判王椿操守不謹公事廢弛興文縣知縣徐顯清才庸性執

操守平常及南部縣縣丞丁如松射決縣教諭傅良佐中江縣教諭邱大

成大甯縣訓導張柄謙等九人均請即行革職隴縣訓導馮三聘等二人年力就衰均請勒令休致 從之

初九日庚午晨霽上午澹晴下午埃簪鬱悶多雲 買來竹桃

兩箇月季石榴花兩箇夾竹桃亦雅所謂桃弋即詩之萋楚也月季石榴花葉皆與安石榴殊又無實不知於古何名也 作書致朱西泉

饋以高麗薑四枝鹿脯一方以西泉明日赴 係和殿補覆試也今年

舉人不及覆試者不過十數人會試前御史吳鴻恩疏請援上科例先

准會試後再補覆試 詔不許 孫子授學士復疏請加 恩寒士止

令覆試 詔下禮部議得請以是月初十日補覆一試蓋此事於西

泉為尤幸西泉窮苦久瘵後之入都甚難又除辛未本科不計外至

下科丁丑已滿三科過此則永不准覆試矣子授與西泉皆錢唐人所
請亦或有為也 得西泉復 子縝仲彝雲門來彥清來晚同
赴官夫之招二更時歸

初十日辛未晴晨及上午有清風頗涼 閱白虎通疏證 作片致

謝惺齋 鬢頭 付買零錢二十五千 牧莊來鮑致夫來

晚偕兩君及梅卿詣廣和居邀傅子尊張子虞杜小豐屠子疇韓
達軒飲至三更後歸

十一日壬申晨晴上午微霽午後霽多風晚姓 得嚴菊泉師三月

八日書并寄還請封銀 得孫生子宜二月朔日書并寄懷詩七律

兩章 午舟出門答客數家即出廣甯門至天甯寺偕梅卿沐

伊仲彝子鎮彥清雲門鼎甫為夢為醵飲北山上塔臥山房牡丹
正開紫藤半落矣是日游客甚稀禪房畫案綠陰蒼藹清風灑
然編行殿廡園圃間頗有塵外之賞傍晚而歸付車錢七千

得王子獻書即復 子鎮招夜飲雁儂家聽琴作片辭之 孺初
來夜談 是日付二月三月賃屋銀八兩

十二日癸酉午正一刻十四分立夏四月甲辰 縣光世神位圖以薦

新 子鎮來雲門來共作手談 紱丈來 是日報春楊紅綠子

鎮及米荅生袁爽咏皆得雋紹興公車共百四十餘人僅中三人會稽

得二人其一顧家相中第六 此處八筆 買艸花名紅繡球者兩本看紫茸者

一本付錢三千 雲門招晚飲廣知居辭之 夜月甚佳雲門

來談

邸鈔

詔十六日親詣大高殿及昭顯廟禱雨覺生寺等仍分遣諸王

十三日甲戌霽晴霰繼終日多睡傍晚坐庭下閱唐兩京城坊攷

邸鈔駐藏幫辦大臣希凱奏請因病開缺回旗許之

以通政使司通政使桂豐_{滿洲}加副都統銜為駐藏幫辦大臣

翰林院侍講學士銓林轉補侍讀學士以左春坊左庶子崇勳為侍講

學士

十四日乙亥晨薄晴上午後多霽晴後霽霽是日取試卷出為

第十八房長沙陳編修理泰所薦評經策冠場而主考蔡尚書評額

溫見遺藁得卷已遲也 為孫仲容王予獻書扇即作書分致兩

君 謝夢漁來 張映民來 作片致子鎮薦僕人張林 備

鳳洲來 子尊來 得子鎮復 閱毛西河經問晚涼有風

坐庭下讀書頗自得也

郎鈔理藩院郎中奎綬授江西建昌府知府

十五日雨子晨露散有曦景上午露午散晴旋有小雨下午露有

大風 早起步庭下讀書雲日清怡花竹間索悠然獨會樂不可

言 江敬所來王蓉舫先生來殷夢庭來均不晤 王予獻來

晚漱雨入夜

郎鈔署湖廣總督湖北巡撫翁同爵奏甄劾平庸不職各員武昌

縣知縣張吳黃梅縣知縣覃瀚元均以府經歷縣丞降補鍾祥縣知縣鄭
燁林天門縣知縣傅詩均原品休致廣濟縣知縣李祿後監利縣知縣謝
家蘭均以簡缺改補興國州知州燕永烈通城縣知縣陳維模蘄水縣知
縣徐兆英京山縣知縣張金澗石首縣知縣雷璽蟾均闕缺酌量補用
從之

上諭文煜等奏劣員侵吞工費請革職追辦一摺花翎福建補用道遇
缺即補知府凌定國經管建造臺灣安平口三鯤身礮臺膽敢任意
侵蝕現經查出浮冒各款已有一萬四千餘兩之多實屬貪劣著即
革職嚴訊究追

十六日丁丑晴

得孫仲容書

為王彼夫扇面書前日極樂寺